

精鈔
大字

隨

園

全

集

欽定四庫全書

卷一百一十五

七

湘
詩
葉
痕
閣

上海文明
書局藏版

余家昔有三祖姑皆事吟詠先大父曾取其詩刊入小倉山房金集。題曰袁氏三妹合稿。嗣余妹輩亦有能詩者。三。一曰琛華為余長姊。一曰柔吉為余堂姊。一曰黛華為余再從堂姊。彼時同居隨園中。聯袂唱酬。無間寒暑。余最幼穉。猶竊聞之。厥後長姊就養山右。喜甥輩已將琛華集付之剞劂。惟柔吉乃及黛華兩姊。以癸丑殉金陵失陷之難。故詩稿並失。心焉傷之。亂定乃遇天長崇氏子為柔吉姊之姪孫輩。幸以抄存湘痕閣詩詞稿見貽。噫。貞魂烈魄。冥冥中竟有呵護者。不然何以圖書盡失。而此卷獨流存耶。余以薄宦無力付梓。今承同宗古香閣呈。慨然以剞劂自任。此等風誼。近世幾不復聞矣。感激涕淋。敬以原稿授之。並贅數行於卷末。以識發潛聞幽之盛德云。光緒丁亥冬月弟祖志翔甫氏識

叙

余於丁巳孟夏暫羈河曲。蓬心不振。萬目多憂。時與王子甘巖撫桑落以延娛。折舜華而締詠。間披青牘坐遣朱明。偶出表柔吉女士詩相示。曰。此璧水之璇流。玉臺之錦製也。可無一言以弁之乎。女士靈根浙水。秀出倉山。徵蘭設悅之前。銘菊垂簪之始。金鑾曉筆。披紫石以飛文。織素秋絲。纂青雲而落組。博天公之笑。早擅投壺。騰邦媛之華。爭為下鏡。既而女牀載月。堵浦栖霞。銜鴛翼以為綢。拂龍賓而傳翰。香芳琴好。愁一日之分離。雪夏雷久。祝千秋之共命。天長古名秋縣窈窕淑女。如此良人。樹草無憂。將花何怨。若夫匏瓜命獨。特居紆絕之天。玉樹神推。竟瘞沉冥之壤。當是時。飛龍

骨出。不難畢命於投棺黃鵠詞哀。故欲殉恩以引訣。而烏鳥則空巢待哺。鳳雛則文襟方啼。思一夕而九乖。摩笄終忍。扶寸田而尺宅。銜關奚辭。孰知八難無涯。三辰有譴。羊枯之金環頓盡。澤蘭之彤管俱亡。貞木無春。葉黃凋以畢雨。寒巖背曜。石赤露而還霜。祚絕身單。吁其慘矣。至若大雷書遠。傷雁去於賢昆。白雪歌沈。勸鸞叱於少妹。悽愴山川之外。邈縣綿素之間。則又觸緒停絃。怨靡蕪而失夢。含秋罷杼。感桃葉而思歸者也。當打鑿石城之後。屬傳烽江渚之初。鸞起蒼鶯。鹵騎則投鞭忽渡。丘顏朱雀。關門則棄鑰全開。於時玉弩飛空。聲動鄭元之里。珠樓灑血。心傷李白之孫。賦烏鵲以投臺。靡他永矢。效銀瓶之墜井。此節終完。嗟乎。填精衛之冤。滄溟尚淺。汨娥皇之魄。湘水何深。天以醉而多情。人以孤而益見。道稱與善。復何言哉。予幸為男子。竊三樂於榮期。悼彼佳人。增四愁於平子。同傷離亂。為綴斯文。甘泉李肇增水叔。

崇節母傳

節母姓袁氏名嘉字柔吉浙江錢塘人為隨園先生長孫女幼端慧父遲極鍾愛母沈本才媛教以詩神解獨超尤工倚聲長歸天長崇氏崇巨族多巍科碩學所適雲根茂才名一顧負才望伉儷甚篤早卒遺子二女一以奉姑撫孤不得遂殉夫志飲水茹檠盡孝盡慈無何二子殤姑亦逝楚然獨處與孤女形影相弔薄田數畝歲值屢稔不得已返隨園侍父母側代弟輩理家政怡怡如也會父母次第三弟夫婦均歿遺三孤撫如已子每當風宵雪夜一燈課讀儼若嚴師其時隨園先生所出遲公一支已中落嗣子通公一支頗溫飽家庭中多難言之隱乃縷述當年祖德痛陳目下艱虞勉勵三孤聲淚交迸二孤旋入泮一孤亦成立而孤女忽夭所謂彼蒼之報施固如是耶余姑母其冢弟婦也道光丙午秋余以省試金陵入隨園拜見之餘蒙異目視涼秋九月芙蓉盛開召羣弟姪暨余開尊聯吟縱談今古極一時文酒之樂其獎掖後進類如此合肥梁氏慕其才請授女公子經即儀徵阮孝廉恩海室也後南河于相山觀察延入署課諸女及愛妾而才名噪袁浦壬子夏余客浦上蒙招往見勉以亟歸赴試母飄泊隱志兼助資斧至今感不能忘是夕歸隨園時粵逆已破楚東下江省無戰守備余作書敦促出山一再不報似有默阻之者癸丑春賊破金陵乃仰天太息謂一生楚獨守節命也即死節亦命也投池水淺不死服阿芙蓉喘二日乃死嗚呼烈矣同時隨園眷屬死者眾而節母為尤慘僕嫗輩感懷其慈泣

裏以衾掩倉山下。越十二年。城復屍已不可復殮。哀哉。所著有湘痕閣詩詞稿未付梓。甚矣哉。造物之忌才也。里巷庸女子嫁富室。安樂畢世。或適小康。老死無險巇者。最矣。而節母負才早寡。且獨乃淬其志於辛勤阨塞中。卒以身殉難。豈才果不祥之物耶。抑夙因有宜然者耶。然而其節則千古矣。秋風颯沓。長夜寂寥。懷私恩。激公義。用是蒼茫感喟。而為之傳。

甘泉篤生王榮昌

題辭

金陵凌志珪 竹泉

倉山風雅女孫枝。快讀新編百首詩。掃盡尋常塗抹習。吟成恰好淺深時。荒蘆斷雁聲流耳。落

葉哀蟬感沁脾。

集中詠燕顰白燕前後落葉詩尤佳

寄語紅閨諸伴侶。買絲口合繡袁絰。自從鏡破復釵分。楚

雨酸風不忍聞。雁斷更番悲弟妹。鸞孤半世痛夫君。傷心眷屬同朝露。回首鄉園隔暮雲。漫絕掌

珠偏早碎。棠梨一樹小孤墳。

丹徒王榮昌篤生

巾幗才華絕。璇閨節列奇。露蘭胎慧性。霜柏挺寒姿。世族揚旂遠。高門歷數基。一身林下苦。千載女中師。浙水芳連桂。倉山瑞產芝。佩瓊明習禮。漱玉愛填詞。紫石憑刊字。紅牋擅詠詩。彼姝追宋若。佳壻得羲之。鏡鑑花初發。珠簾月下移。雙鸞共轉。比翼鳳來儀。擊鉢爭提耳。揮毫更畫眉。玉檀欒小別。

所居室名

金縷曲相思管趙柔情合。秦徐艷福宜。香雲籠并蒂。夢雨折交枝。獨宿床空守。

呱啼祿未離。生爲孀婦早。死以貌孤遲。壯匣捐脂盃。繅車響素帷。梅酸方雨泣。苗秀忽霜萎。壁碎

珠沈運。果傾卵覆悲。省親歡盡孝。撫姪教全慈。紗授文宣業。綬霏道韞辭。欲綿名士緒。再闢故山基。

畫荻同嚴母。寥片喜客兒。家庭推屈姊。姻戚舉班姬。憶昔承顏日。新秋應試時。隨園仙境入。奧室

異書披。刮目欣傳秘。論心細析疑。棘闈祈鶚薦。杏苑望駒馳。盧李才原敵。潘楊誼夙知。華年工鬪

句涼夜共浮厄葉落瑤牋遞烟橫鐵笛吹鴛亭臨水生蟾魄隔屏窺麟筆精爽賦騷壇妙主持搏
 霄愁鍛羽贈策惱歌驪自痛星亡曙常嗟霧掩曦寄生非久計謀食且幽羈賢看紅妝執經從白
 髮咨袁江攜雀硯郎署擁臯比織錦珍蘇蕙摹碑法茂漪鴻儒驚典雅龍女惜孤危愧我逢河湫
 依人悵路歧深憐籌借箸嘉貺助歸資義重羞輕薄恩多療渴饑金陵重返棹綺戶又垂窻日黯
 積荒蝶烽狂照大旗冠鞭投竟渡士甲棄如遺豕哭雄城破烏啼寶婺墮磨笄紆慘怛仰藥矢
 捐糜劫急哀難殮貞完只賸屍瘦肌攢穴畔怨魄叫天涯丹閣飛灰冷青峰宿草衰石街填渤
 海竹染淒湘涓命也摧琴瑟天子厄編基鵠原傷殉難令弟小村宰鵲塚悼分支歐末梨恨芳圖
 失棠餘幻影隨節母有梨花白燕圖又月廊香夢圖則述女公子之幻緣也荅岡魂可返芙蓉岡在天長蓬島駕應羈牛媿誰鑄集
 蟻磯允築祠良弓虛似續綽楔待榮施永操先靈慰徽音後嗣貽清風吟峻嶺卓立婉義眉

陽湖
張縉英

三妹曾傳絕妙詞謂小倉山房集古懷清節亦如斯淚枯湘竹成斑後秋老倉山閉戶時骨肉摧
 殘悲夢幻離騷哀怨繼風詩眾芳零落憑誰惜珍重虬松百尺枝

王希謐若謝

淵源家學溯真傳白雪陽春字字妍盟手不嫌千遍讀論心已在廿年前丁亥見秋海棠詩前歲始得見面每因
 飄泊愁鴻雁閒把離懷託杜鵑鏡破釵分無限感相痕一卷恨難捐讀罷君詩喚奈何清才如

此命坎軻。聰明得福人間少。句舊憔悴終身我輩多。百載韶華原是夢。半生歲月任消磨。掌珠一粒。擎難穩。淚溢湘江並女娥。

朱慧貞 浣芳

久聞絳帳賦申情。垂老相逢意更縈。共話此生同逝水。不須開卷已吞聲。女師合向文宣拜。天問難從楚郢賡。讀罷玉臺慚鏡雪。羨君彤管著修名。

兄 璜 鶴塘

辛苦編成一卷詩。纖殘機杼淚千絲。止輸福慧鷗波好。才調何慚管仲姬。

姪孫 家 鰲海秋

毛詩三百篇。首載后妃作。共姜古節婦。柏舟意有託。作詩非婦職。此說乃大錯。才與命相妨。或亦命偶薄。吾宗數詩人。罕見題黃鶴。得之巾幘中。今見湘痕閣。隨園紹宗派。才力未嫌弱。芝蘭氣清芬。芙蓉枝瘦削。發抒皆性情。曾不事雕鑿。陶咏任自然。曾不受束縛。負才既如此。而何傷落莫。嗚呼。雲根公在昔。才藝博。胡乃謝盛年。一朝塵夢惡。幸有雙瑤枝。或者慰寂寞。胡乃覆巢卵。亦被鴟鴞攫。人事不可知。天道猶難度。日歸侍雙親。藉奉庭闈樂。胡乃歌哀哀。悲風生泉壑。往者姊妹行。詩酒互酬酢。胡乃風吹散。天文一方各。凡諸軼軻境。一一親領畧。離恨生死并。人事今非昨。落葉想歸根。浮萍無住著。見之於詩篇。血淚縱橫落。擬古黃鶴辭。悽惋更奚若。

湘痕閣詩稿卷上

錢唐

袁嘉

禾吉

擬閨中四時詞

柳絲倦舞東風軟。緩踏蒼苔弓印淺。隔宵香夢宵人癡。關草關花意先懶。綺窗日日調胭脂。塗抹春寒九九時。為祝封姨勤護惜。紆綃繫偏百花枝。菡萏香濃池館靜。午睡初回湘簾冷。鬢華如雪。媚雲鬟。悄對圓水粧乍整。丁丁蓮漏。輒紋移綠沈。堆滿青琉璃。凭欄驚地。兜團扇。三兩疎螢墮碧池。蟬鳴疎柳。蟲吟壁。露濕海棠紅欲滴。明蟾弄影過銀牆。曝衣樓迥飄橫笛。靈鵲填河渡羽車。榆星歷歷亂餘霞。臨風爭試穿鍼手。得巧誰先笑語譁。蕭蕭一夜寒聲送。曉起飛綿壓層重。捲簾真訝玉為山。粧慵斜軀釵頭鳳。鵲鼎添香。篆烟。羅鬟呵手貼花鈿。南枝漸透春消息。瘦影何如人可憐。

清明

又值清明候。東皇釀物華。綠眠烟外柳。紅顫霧中花。拾翠招芳侶。嬉春駕小車。水村山郭近。指點酒旗斜。

春日遊靈谷寺

駘蕩東風拂面輕。載將油壁趁新晴。春浮芳草蓬蓬遠。路入桃花款款行。玉版禪心參四座。金繩

法乳證三生。山空已覺紅塵隔。又聽疎鐘時一聲。

送別華玉姑母回六合

慈顏小別動經年。今日歸來喜欲顛。春亦似知歡會好。一分留在畫樓前。
園林過雨正清和。三五流鶯巧弄歌。試向綠雲濃處去。青山一角妬香螺。
廚開櫻筍趁斜暉。更有銀鱗入饌肥。遮莫離歌聽不得。心隨帆影渡江飛。

雨後荷亭夜坐

祛暑愛良夜。雨過邀明月。三兩素心人。團坐水雲窟。樓高接瓊霄。亭古通瑤闕。
碧天淨如揩。遙岑淡疑沒。徑深螢火流。樹迥蟬聲歇。冷翠侵苔衣。濃露沁花骨。
散髮招新涼。臨風遐想發。相期慕神仙。迷津無寶筏。

和胡湘秋兆蘭表妹春日病起詩

綠窗風靜晝晴絲。芳草淒迷育蝶癡。拾翠恰逢挑菜節。踏青已負禁烟時。
病憎花氣垂簾早。心怯春寒捲幔遲。寄語糖成休久坐。任他雙燕語差池。

風

吹偏桃花又棟花。更番芳信報天涯。能噓冷氣乘時令。也扇陽和到物華。
江上暗催帆影動。陌頭軟曳酒旗斜。冷冷習習來何處。只隔琉璃不隔紗。

花

芳譜探來各種妍。聽呼小字便纏綿。開經淺煥輕寒候。養趁微雲淡雨天。解語定邀名士賞。生香合受美人憐。金鈴繫徧珠璣護。不逐春風落舞筵。

雪

濕瓦無聲撲紙乾。霏霏一夜糝成團。梨花落處春無色。蛺蝶飛來影亦寒。凍合疎枝迷翠羽。冷封樵徑失青巒。瓊篝薰暖香醅熟。人在重簾怯倚欄。

月

碧海青天夜氣森。何關圓缺問升沈。清凌霜鏡涵秋影。朗濯冰壺證素心。花底閒邀還把酒。桐陰小坐暫停琴。臨風偷聽霓裳曲。悟到前身感不禁。

晴秋野眺

遠山收宿雨。野水澹前溪。楓葉留寒蝶。人烟亂午鷄。感時黃菊瘦。惜別翠眉低。且踐登高約。明朝斗酒攜。

風雪憶梅歌

飛廉行天天無色。青女不歡素娥泣。飛瓊仙人為解嘲。清辯滔滔霏玉屑。依稀咳唾來九天。詞鋒傾注如璇源。萬籟俱寂長空無烟。皚然奪盡四山翠。頗使蛾眉不得爭鮮妍。六雲歷落散復

整。傾耳爬沙聲漸緊。不知松外鶴歸來。忽訝窗前蟾墮影。前却此際足精神。美人未見心先春。一醉羅浮夢初醒。衝寒定有咏花人。我欲探花還載酒。却怕枝高寒出手。消寒戲作梅花圖。呵筆塗來剛四九。

偶感

寄語東鄰女。臨粧莫效顰。千秋無絕色。悅目是佳人。

幽居

徙居來深山。築屋如斗大。洞壑香蒼冥。林莽延虛籟。謾謾松吟風。冷冷石瀉瀨。地僻絕塵囂。身閒忘否泰。了悟清淨理。默若元機會。真味參酒中。幽趣聆絃外。千古賞心人。淵明此為最。

擬古

颯颯西風寒。皎皎秋月白。三兩烏夜啼。空庭墮黃葉。對此甯無情。往事回頭憶。十三倚紅窗。鴛鴦繡裙褶。十五不知愁。憨嬉撲蝴蝶。悠悠度歲華。春晨復秋夕。十七鳳蕭鳴。于歸調琴瑟。向曉竭井臼。親操手無力。入幕習機杼。抽絲未能織。小姑目斜瞋。阿母顏微赤。老嫗背喃喃。爭嗤新婦拙。從此卸鉛華。荆布表容飾。書聲亂剪刀。夜夜不忍歇。何日探驪珠。艷誇瓊林客。只恐錦衣還。鏡裏人非昔。

題墨蘭

不共靡蕪采松煤點染奇。秋花君子佩。香草美人辭。擷露芳如襲。凝烟蝶未知。幽居空谷致。幾費遶欄思。

月夜遊西岡弔胡湘秋妹與黛華青姊王潤如璣姊小芬儀吉兩妹同作

嬉春人更惜春宵。三五嬋娟弄影遙。清露漸凝莎徑滑。碧山爭寫黛城橋。謝庭咏好空陳迹。湘女愁深賦大招。夢裏芳魂會相見。遊蹤重待驗來朝。

哭外

一輪月墮畫眉窗。從此鸞分影不雙。鼓到哀音靈瑟冷。醒來噩夢怒鐘撞。松筠志凜看凌節。梅柳春深記渡江。可奈饑驅留不得。夜深雪涕對銀缸。小別依依怨莫舒。而今長決問何如。枉悲婦竟司晨令。未卜兒能讀父書。家少儋儲謀本拙。心存草報終虛。蓉城一去知難返。頭白慈顏痛倚闌。早年一抱蓼莪哀。凝叔何曾善理財。先輩俸餘非手散。小庭花滿是親栽。有情未遇傾城色。無命難消絕代才。囊底珠璣零落盡。幾行贖墨付粧臺。檢點殘編淚不收。迢

巡何事上眉頭。觸來南浦春陰感。并作西窗夜雨愁。曾經南浦春陰裏却憶西窗夜雨時乃夫子回石梁時寄余之作也黯澹青

燈悲照影飛蓬綠。鬢怕禁秋傷心水閣塵封久。短竹無聲咽暮流。夫子好音每于水雲律閣中品笛徹夜不倦

長貧潦倒減梳粧。病羽驚風倍可傷。私典衣襦供藥餌。親調口味作羹湯。背人常漬宵分淚。禱佛時焚月下香。忍視并刀痕尚在。三生短夢費思量。十七盈盈賦桔槔。八年靜好感分離。韶